



30. januar 2019

Inatsisartut suleriaasianni § 37 imm. 1 naapertorlugu Naalakkersuisut apeqqut imaattoq matumuuna saqqummiuppara:

Naalakkersuisunut apeqqut:

- 1. Upernaviup eqqaani sullissinissamik isumaqatigiissummi qulimiguulimmik inuttaqarniarneq ajornartorsiutaava?**
- 2. Ingerlatsinermi atortut imaluunniit inuttat pissutaallutik qulimiguulimmik ingerlatsiniarneq innuttaasunik piffinni aalajangersimasuni sullissinissamik isumaqatigiissutip iluani ajornartorsiutaava?**
- 3. Naalakkersuisut eqqarsaatersuuteqarnerlutik tunngaviusumik sullissinissamik isumaqatigiissutip attatiinnarnissaanut annertuumik ajornartorsiortoqarnerani isiginnaartuinnassanerlutik?**
- 4. Naalakkersuisut suut suliniutitut pilersaarutigaat piffinni aalajangersimasuni sullissinissamik isumaqatigiissutip pitsanngoriaatissaanik?**
- 5. Takornariagaaluarpat imaluunniit innuttaasuuppat qaqugu angalasut tunngaviusumik angallanneqarnerat ataannaavissumik ingerlanneqalerumaarpa?**
- 6. 2019-imi aningaasartuutigiumaarneqartussat qanoq annertutiginnissaat ilimagaat toqqaannartumik imaluunniit toqqaannaanngikkaluamik sullissinissamut isumaqatigiissut eqqarsaatigalugu?**
- 7. Naalakkersuisumiik iluarineqarnerluni sapaatip akunnikkaartumik innuttasut kiffartuussinissamik isumaqatigiissummi allaqqasumi ukiunilu marlunni atuuttussami innuttaasut ilisimanaguluunniit ilumut sapaatip akunneranut marloriarluni angallanneqartarsinnaanissartik? Naalakkersuisup kissaatigisimavaa oqaatigalugulu pissutsit piviusut aallaavigalugit iluarsisoqassasoq, tamakku ilisimaneqariissannginnamik ukiuni qulikkaani kiffartuussinissamik isumaqatigiissutit sananeqartarmata?**
- 8. Naalakkersuisup qanoq naatsorsuutigaa kiffartuussinissamik isumaqatigiissutip atorunnaarsinneqassagaluarpat tamanna aningaasannorlugu naleqassanersoq, tassunga ilanngullugit immikkut isumaqatigiissummik atorunnaarsitsineq. Uani**

Inatsisartunut ilaasortaq Pele Broberg

Imaneq 1, Postboks 4120, 3900 Nuuk, E-mail.: peleb@inatsisartut.gl Nittartagaq.: www.partiinameraq.gl
Oqarasuaatit.: +299 34 50 00 Toqqaannartoq.: +299 34 62 69 Angallattagaq.: +299 483536



piffissaq atorunnaarsitsinissamut tunngasoq eqqarsaatigalugu ukiup affaata ingerlanerani atorunnaarsitsisoqassagaluarpas?

9. Kiffartuussinissami isumaqatigiissummi attuumassuteqartut suuppat toqqaannartumik aamma toqqaannangitsumik aningaasartuutitut inissisimasut soorlu allat aqputit atorlugit Mittarfeqarfiit-niit isumagineqartartut?

(Inatsisartunut ilaasortaq, Pele Broberg, Partii Naleraq)

Tunngavilersuut:

Tusagassiorfitsigut nalunaarutigineqarpoq Upernaviup eqqaani angallassineq eqqarsaatigalugu aningaasaqarnermut ataatsimiititaliamut immikkut ittumik inuttaliinissaq eqqarsaatigalugu aningaasanik qinnuteqartoqarsimasoq, kiisalu kujataani immikkut AS350 qulimiguulimmik inissiisoqassasoq.

Takusinnaasatsitut innuttaasut sullinneqarnerat malunnaatilimmik pitsanngoriaateqarsimanngimmat kissaatiginarpoq paasissallugu aningaasat innuttaasut sullinneqarnerannut pitsanngoriaateqartitsissanersut.

Tusagassiorfitsiguttaaq Naalakkersuisoq oqarpoq tamanna pilersaarusionerlussimanermik taaneqarsinnaanersoq, paarlattuanik Upernaviup eqqaani innuttaasut pitsaanerumik angallassinikkut kiffartuunneqarnissaat anguniarlugu aquttunik marluk sulilersinniarlugit aningaasanik qinnuteqartoqarsimasoq.

Tassunga ilanngullugu AirGreenland-imiik oqariartuutigineqarpat Bell 212 imaluunniit S61-it pisoqalisimasut issittumilu atorneqartut, taava qanoq ililluni innuttaasunik kiffartuussinerit pitsanngoriaateqarsinnaagamik aquttunik marlunnik ikkussiinnarnikkut.

Naalakkersuisup ataasiarani oqaatigisarsimavaa kiffartuussinissamik isumaqatigiissut atorunnaarsinneqassagaluarpas tamanna unnuruju milionilikkaanik naleqassasoq, Taamaattoq pissutsit ajorluinnartut aqqissagaanni pisariaqarpoq ingerlatsisunut taarsiissutissat agguarlugit inissinnissaat (soorunami suliariumannittussarsiuussinermi naammassinngitsuukkat ilanngaatilugit) kiisalu sumik allamik taarserneqarnissaat naatsorsuutigineqarnerasoq ilanngullugit. Taamaaliornikkut ajunnequtai aammalu ajoqutai naatsorsorluarneqarsinnaaniassammata.

Nutaamik kiffartuussinissamik isumaqatigiissusionermermi neqeroornermi akigitikkumasaq unammillerneq eqqarsaatigalugu Inatsisartut sanaartornermut ataatsimiititalianiik isummerfigisassanngorlugu suliarineqassagaluarmat.

Inatsisartunut ilaasortaq Pele Broberg

Imaneq 1, Postboks 4120, 3900 Nuuk, E-mail.: peleb@inatsisartut.gl Nittartagaq.: www.partiinameraq.gl
Oqarasuaatit.: +299 34 50 00 Toqqaannartoq.: +299 34 62 69 Angallattagaq.: +299 483536



partii naleraq

Kalaallit Nunaat takornariaqarfissuurtut neriorsuutigineqaqattaarpoq, taamaattoq ullumikkutut pissusissaanngitsumik iliortarneq eqqarsaatigalugu angalasut assigiinngitsutigut tulluusimaarutigissallugu taamatut aqqissuussineq taaneqarsinnaanngilaq. Taamaattumik pingaaruteqarluinnarpoq paasissallugu qanoq Naalakkersuisut angalasut apeqqutaatinnagit inuiattut suminngaanneernerat imaluunniit sumi inissisimanerat aallaavigalugu assigiimmik sullinneqarnissaat naammassiniassallugu iliuuseqalersaarnersut.

Toqqaannartumik aningaasartuutit saniatigut ilisimaneqarpoq Mittarfeqarfiit maannakkut qulimiguulimmik angallassisarneq Diskoline-miik innuttaasut kiffartuunneqarnerat ingerlanneqarmat. Taamaattorli Air Greenland-ip suliassaq annerusoq ingerlakkaa, taamaattumik toqqaannanngitsumik imaluunniit toqqaannartumik aningaasartuutit iluaniissimassapput. Uanimi orsersortarneq, ilaasussat aamma aallarnermi akileraarut Mittarfeqarniit isumagineqartarmat. Taamaattumik kissaatiginarpoq paasissallugu kiffartuussinissami isumaqatigiissummi toqqaannartumik aamma toqqaannanngikkaluamik aningaasartuutit kiffartuussinissamik isumaqatigiissummi attuumassuteqarnersut.

Apeqqutit ullut qulit suliffiusut iluani akineqarnissaat kissaatigaara

Inatsisartunut ilaasortaq Pele Broberg

Imaneq 1, Postboks 4120, 3900 Nuuk, E-mail.: peleb@inatsisartut.gl Nittartagaq.: www.partiinameraq.gl
Oqarasuaatit.: +299 34 50 00 Toqqaannartoq.: +299 34 62 69 Angallattagaq.: +299 483536